

da "I Quiz Universali"

Ma qual è 'o vero Ammore ?

Vuo' sape' ? 'O vero Ammore
nun è quann' a 18 anni
essa sta int' 'o splendore
e te fa squaglià int' 'e panni
o quann' 'a puort' 'ncopp altare,
sotto 'o braccio affianco a te,
e te siente 'o primm' attore,
essa 'a Regina e tu 'o Re
o durante 'o viaggio 'e nozze
e vulann' int' apparecchio,
essa ride ... ed è felice
si s' ammira dint' 'o specchio
o quann'... chesta sposa
te rivela che se sogna

che 'nu fiocco azzurro o rosa
t' 'o sta purtann 'a cicogna.

Vuo' sapè ? 'O vero ammore
è quann', po', passano ll' anni
e chiano chiano, senza rummore,
s'appresentano i malanni.

E comincia 'n' ata vita,
ce sta poco 'a 'rraggiuna'
quann' t'accuorge che è in salita
chello che resta 'a cammina'.

Ma se l'Ammore è proprio overo,
d' 'a primma scelta nisciuno si pente
e..... facenn' 'o stesso sentiero,
ce puntellamm'reciprocamente.

Cecco Gambizzato, Nov 2022